

## Conon de Béthune, *Mout me semont Amors* (chanson III)

- I Mout me semont Amors ke je m'envoie,  
Quant je plus doi de chanter estre cois ;  
Mais j'ai plus grant talent ke je me coise,  
Por çou s'ai mis mon chanter en defois ; 4  
Ke mon langaige ont blasmé li François  
Et mes cançons, oiant les Champenois  
Et la Contesse encoir, dont plus me poise. 7
- II La Roïne n'a pas fait ke cortoise,  
Ki me resprist, ele et ses fieus, li Rois.  
Encoir ne soit ma parole franchoise,  
Si la puet on bien entendre en franchois ; 11  
Ne chil ne sont bien appris ne cortois,  
S'il m'ont repris se j'ai dit mos d'Artois,  
Car je ne fui pas norris a Pontoise. 14
- III Dieus ! Ke ferai ? Dirai li mon coraige ?  
Li irai je dont s'amor demander ?  
Oïl, par Dieu ! Car tel sont li usaige  
C'on n'i puet mais sans demant riens trover ; 18  
Et se jo sui outrageus del trover,  
Se n'en doit pas ma Dame a moi irer,  
Mais vers Amors, ki me font dire outrage. 21